



Radio Rumantsch

Per trutgs e pitgognas

Proposta d'Ursina Ganzoni

Tura cun gir insolit

Süsom Givé (2140 msm, Pass dal Fuorn) - Alp Champatsch - Pass da Costainas - Fcla. Sassalba (2691 msm) - Alp Tabladatsch - Lü (1920 msm)

Durada: 6 uras
Differenza d'atezza: 520 m ensi, 700 m engiu

Questa tura cumenza a Süsom Givé, passond sut il Munt da la bescha. Ins va vers ost per arrivar levamain tar l'Alp Champatsch. Là cumenza la muntada. L'emprim fin tar il Pass da Costainas ed alura a dretga ed vinavant fin tar la Fcla. Sassalba. Da là maina la senda puspè engiu vers Lü.

Spezial vi da quella tura:

Sin questa tura, pulit simpla, ma forsa in pau lunga, ins dastga sa legrar da vistas fitg differentas e pumpusas.

Davent da Süsom Givé sa splega il tarpun da prada da la Val Müstair a voss pais. Passà la senda che storscha tranter la zundra, ins vegn sin pastgira. Da qua davent ans avra la vista sin l'Ortler, ina muntogna fitg alva da 3905 msm (da l'autra vart il cunfin svizzer). Quest figl dals gigants è creschì talmain, che ses fragliuns il han svidà ina sadella plain aua freida sur il chau. Entras il freid che regnava hai subit dà glatsch ed il frarin na ha betg pli pudì crescher. Rivà sin il Pass da Costainas s'avra vers nord la Val S-charl e la marcanta gruppa dal Pisoc. Ma ins storscha a dretga, circumdescha Muntet ed arriva sin la Sassa Alba che dat il num a questa furcla.

Per ir da la furcla si Muntet ins dovra anc circa ½ uras. Per ir sin il Piz Terza (2907 msm) ins duvrass probabel var 2 uras.

La tura maina patgific giu per las alps ed a Lü, ch'è cun 1920 msm (ensem cun Juf) il cumin situà il pli aut en il Grischun.

La posta per ir a Fuldera parta a las 15:33 uras e 17:33 uras.

Quella tura ins po er far cun uffants che chaminan gugent.

Equipament

- Satgados cun avunda bavrondas e marena
- Chalzers e vestgadira da viandar, protecziun da sulegl e plievgia

Ustaria ins chatta a Süsom Givé, Alp Champatsch ed a Lü.